

周禮

冊四

周禮卷十八

漢大司農北海鄭玄註

明後學東吳葛藹訂

宗伯禮官之職

宗伯之職。掌建邦之天神人鬼地示之禮。以佐王
建保邦國。

建立也。立天神地祇人鬼之禮者。謂祀之祭之享之禮。吉禮是也。保安也。所以佐王立安邦國者。主謂凶禮。賓禮。軍禮。嘉禮也。目吉禮於上。承以立安邦國者。互以相成。明尊鬼神。重人事。○示音祇。本或作祇。下神示地示皆做此。

以吉禮事邦國之鬼神示。

事謂祀之祭之享之故書吉或爲告杜子春云書爲告禮者非是當爲吉禮書亦多爲吉禮吉禮之

別二十

以禋祀祀昊天上帝以實柴祀日月星辰以禋燎祀

司中司命觐師兩師

種之言煙周人尚臭煙氣之臭聞者禋積也詩曰芄芃械機薪之類之三祀皆積柴實牲體焉或有

也上帝燔燎而升煙所以報陽也鄭司農云昊天玉帛燔燎天也昊天上帝樂以雲門實柴實牛柴

文昌也故書實柴或爲賓柴司中三能三階也司命文昌宮星風師箕也雨師畢也玄謂昊天上帝冬

至於圜丘所祀天皇大帝星謂五緯辰謂日月所會十二次司中司命文昌第五第四星或曰中能

上能也祀五帝亦用實柴之禮云○禋羊九反
巛音風芃薄工反械音域樸音卜能他來反

以血祭祭社稷五祀五嶽以狸沈祭山林川澤以鬻

辜祭四方百物

不言祭地此皆地祇祭地可知也陰祀自血起貴氣臭也社稷土穀之神有德者配食焉共工氏之子曰句龍食於社有厲山氏之子曰柱食於稷湯遷之而祀棄故書祀作禩厲山氏之子曰柱食於稷湯為祀書亦或作祀以五祀五色之帝於王者宮中曰五祀罷辜披磔牲以祭若今時磔狗祭以止風玄謂此五祀者五官之神在四郊四時迎五行之氣於四郊而祭五德之帝亦食此神焉少昊氏之子曰重為句芒食於木該為蓐收食於金脩及熙為玄冥食於水顓頊氏之子曰黎為祝融后土食於火土曰嵩高山不見四寶者四寶五嶽之匹或省文中祭山林曰埋川澤曰沈順其性之舍藏臨臨牲智也臨而磔之謂磔讓及蜡祭郊特牲曰八蜡以記四方四年不順成入蜡不通以謹民財也又曰蜡之祭也主先嗇而祭司嗇也祭百種以報嗇也饗農及郵表畷禽獸仁之至義之盡也○狸皮皆反臨孚逼反共音恭句古侯反禩音祀罷芳皮

反磔張格反食此音嗣重直龍反磔襮
如羊反蜡七詐反種章勇反啜音綴

以肆獻裸享先王。以饋食享先王。以祠春享先王。以禴夏享先王。以嘗秋享先王。以烝冬享先王。

宗廟之祭。有此六享。肆獻裸饋。食在四時之上。則是禘也。禘。有肆者。進所解牲體。謂薦熟時也。獻。獻

醴。謂薦血腥也。裸。之言灌。灌。以鬱鬯。謂始獻尸。求神時也。郊。特牲曰。魂氣歸于天。形魄歸于地。故祭

所以求諸陰。灌是也。祭必先灌。乃後薦腥。薦熟於禘。逆言

之者。與下共文。明大享俱然。禘言肆獻裸。禘言饋

食者。著有黍稷。互相備也。魯禮三年喪畢。而禘於大祖。明年春。禘於羣廟。自爾以後。率五年而再殷祭。一禘一禘。○肆。他歷反。解骨體裸古亂反。率五

律音

以凶禮哀邦國之憂。

哀謂救患分裁
凶禮之別有五

以喪禮哀死亡

哀謂親者服焉疏者舍
襚○舍戶暗反襚音遂

以哀禮哀凶札

荒人物有害也曲禮曰歲凶年穀不登君膳不祭
肺馬不食穀馳道不除祭事不繫大夫不食梁士

斂酒不樂札讀爲截
謂疫厲○繫音玄

以弔禮哀禍哉

禍哉謂遭水火宋大水魯莊公使人弔焉曰天作
淫雨害於桑盛如何不弔庶焚孔子拜鄉人爲火

來者拜之士大夫再亦
相弔之道○爲火于僞反

以禴禮哀圍敗

周

禮卷十八

宗伯禮官之職

三中華書局聚

同盟者會合財貨以更其類○禴古外反更音庚喪

息浪反澶
善然反澶

以恤禮哀寇亂

恤憂也鄰國相憂兵作
於外爲寇作於內爲亂

以賓禮親邦國

親謂使之相親附
賓禮之別有八

春見曰朝夏見曰宗秋見曰覲冬見曰遇時見曰會

殷見曰同

此六禮者以諸侯見王爲文六服之內四方以時
分來或朝春或宗夏或覲秋或遇冬名殊禮異更
遞而徧朝猶朝也欲其勤王之事遇偶也欲其若不期
覲之言勤也欲其勤王之來之早宗尊也欲其若不期

而偶至時見者言無常期諸侯有不順服者王將有征討之專則既朝覲王爲壇於國外合諸侯而命事焉春秋傳曰有事而會不協而盟是也殷猶衆也十二歲王如不巡守則六服盡朝朝禮既畢王亦爲壇合諸侯以命政焉所命之政如王巡守殷見四方四時分來終歲則徧○曰朝直遙反遷

張音第猶朝遙反

時聘曰問殷頻曰視

既時聘者亦無常期天子有事乃聘之焉竟外之臣既非朝歲不敢瀆爲小禮殷頻謂一服朝之歲以朝者少諸侯乃使卿以大禮衆聘焉一服朝在元年七年十年十一月○覲他弔反竟音境

以軍禮同邦國

同謂威其不協僭差者軍禮之別有五

大師之禮用衆也

周

禮

卷十八

宗伯禮官之職

四

中華書局聚

用其
義勇

大均之禮恤衆也。

均其地政地守地
職之賦所以憂民

大田之禮簡衆也。

古者因田習兵
閱其車徒之數

大役之禮任衆也。

築宮邑所以
事民力強弱

大封之禮合衆也。

正封疆溝塗之固
所以合聚其民

以嘉禮親萬民。

嘉善也。所以因人心所善者而爲之制。嘉禮之別有六。

以飲食之禮親宗族兄弟。

親者使之相親。人君有食宗族飲酒之禮。所以親之也。文王世子曰：族食世降一等。大傳曰：繫之以親姓而弗別。綴之以食而弗殊。百世而昏姻不通者。周道然也。○別彼列反而

以昏冠之禮親成男女。

○親其恩成其性。○冠古亂反。

以賓射之禮親故舊朋友。

射禮雖王亦賓主也。王之故舊朋友爲世子時共在學者。天子亦有友。諸侯之義。武王誓曰：我友邦冢君是也。司寇職有議故之辟。議賓之辟。

以饗燕之禮親四方之賓客。

賓客謂朝聘者

以賑膳之禮親兄弟之國。

賑膳社稷宗廟之肉以賜同姓之國同福祿也兄弟有共先王者魯定公十四年天王使石尚來歸

賑○賑上忍反膳音頰

以賀慶之禮親異姓之國。

異姓王昏姻甥舅

以九儀之命正邦國之位。

每命異儀貴賤之位乃正春秋傳曰名位不同禮亦異數

壹命受職。

始見命爲正吏謂列國之士於子男爲大夫王之下士亦一命鄭司農云受職治職專

再命受服

鄭司農云受服受祭衣服爲上士玄謂此受玄冕之服列國之大夫再命於子男爲卿卿大夫自玄冕中士亦再命則爵弁服

三命受位

鄭司農云受下大夫之位玄謂此列國之卿始有列位於王爲王之臣也王之上士亦三命

四命受器

鄭司農云受祭器爲上大夫具官祭器不假聲樂皆有祭器者也禮運曰大夫具官祭器不假聲樂皆

六具非禮也王之

五命賜則

鄭司農云則者禮也出爲子男玄謂則地未成國之名王之下大夫四命出封加一等五命賜之以

方百里以二百五十里成爲則方五百里以上爲成國王

五之地獨劉子駿等識古有此制焉

六命賜官

鄭司農云子男入爲卿治一官也玄謂此王六命之卿賜官者使得自置其臣治家邑如諸侯春秋襄十八年冬晉侯以諸侯圍齊荀偃爲君濟河既陳齊侯之罪而曰曾臣虺將率諸侯以討焉其官臣偃實先後之○先悉薦反後胡豆反

七命賜國

王之卿六命出就侯伯之一等者鄭司農云出就侯伯之國

八命作牧

諸侯伯有功德者加命得專征伐於諸侯鄭司農云一州之牧王之三公亦入命

九命作伯。

上公有功德者加命爲二伯得征五侯九伯者鄭司農云長諸侯爲方伯

以玉作六瑞以等邦國。

等猶齊等也。

王執鎮圭。

鎮安也所以安四方鎮圭者蓋以四鎮之山爲瑑飾圭長尺有二寸

公執桓圭。

公二王之後及王之上公雙植謂之桓桓桓宮室之象所以安其上也桓圭蓋亦以桓爲瑑飾圭長九

寸

侯執信圭伯執躬圭。

信當爲身聲之誤也。身圭躬圭。蓋皆象以人形爲
球飾。文有纒縵耳。欲其慎行以保身。圭皆長七寸。

○信音身
行下孟反

子執穀璧。男執蒲璧。

穀所以養人。蒲爲席。所以安人。二玉蓋或以穀爲
飾。或以蒲爲球飾。璧皆徑五寸。不執圭者。未成國
也。

以禽作六摯。以等諸臣。

摯之言至。所執以自
致。○摯本或作贄。

孤執皮帛。卿執羔。大夫執雁。士執雉。庶人執鶩。工商

執雞。

皮帛者。束帛而表以皮爲之飾。皮虎豹皮。帛如今
璧色繒也。羔小羊。取其羣而不失其類。鴈取其候。

時而行。雞取其守時而動，曲禮曰：飾羔鴈者以績，謂衣
之禮。卿大夫飾鞶以布，不言績。此諸侯之無飾。士與天
子之臣異也。然則天子之孤飾鞶以虎皮，公之孤
飾鞶以豹皮，與此孤卿大夫士之鞶皆以爵，不以孤
命數。凡鞶無庭
實。○衣於既反。

以玉作六器以禮天地四方。

禮謂始告神時薦於神坐。書曰：周公植璧秉圭是也。

以蒼璧禮天，以黃琮禮地，以青圭禮東方，以赤璋禮
南方，以白琥禮西方，以玄璜禮北方。

此禮天以冬至，謂天皇大帝在北極者也。禮地以
夏至，謂神在蠓輪者也。禮東方以立春，謂蒼精之
帝而太昊句芒食焉。禮南方以立夏，謂赤精之帝
而炎帝祝融食焉。禮西方以立秋，謂白精之帝而

少昊蓐收食焉禮神者必象其類璧圓象天琮八方

象地圭銳象春物初生半圭曰璋象夏物唯天半

見○崙音倫

皆有牲幣各放其器之色

幣以從爵若入飲酒有酬幣○放方往反

以天產作陰德以中禮防之以地產作陽德以和樂防之

鄭司農云陰德謂男女之情天性生而自然者過時則奔隨先時則血氣未定聖人爲制其中令民

三十而不娶女二十而嫁以防其淫泆令無失德情性隨而不露故謂之陰德陽德謂分地利以致富

富者之失不驕奢則吝嗇故以一說地產謂土地之滌蕩邪穢道人正性者也

大性各異。若齊性舒緩。楚性急悍。則此以和樂防其失。令無失德。樂所以舒移風易俗者也。此皆露見於外。

故謂之陽德。陽德陰德不失其正。則民和而物各得其理。故曰以諧萬民。以致百物。玄謂天和而產者動。

物謂六牲之屬。地產者植物。謂九穀之屬。陰德陰氣在人者。陰氣虛純之則劣。故食動物作之使動。

過則傷性。制中禮以節之。陽德陽氣在人者。陽氣盈純之則躁。故食植物作之使靜。過則傷性。制和。

樂以節之。如是。然後陰陽平。情性和。而能有其類。○為制于僞。反令力呈反。

以禮樂合天地之化。百物之產。以事鬼神。以諧萬民。以致百物。

禮濟虛樂損盈。並行則四者乃得其和。能生非類曰化。生其種曰產。

凡祀大神。享大鬼。祭大示。帥執事而卜曰宿。眡滌濯。涖玉鬯。省牲鑊。奉玉盥。詔大號。治其大禮。詔相王之。

大禮。

執事諸有事始於祭者宿申戒也。滌濯。滌祭器也。玉禮神之玉也。

大號之大者以詔大祝以爲祝辭。治猶習也。豫簡習大禮至祭當以詔相王羣臣禮爲小禮故書

泚作立鄭司農讀爲泚。泚視也。○鑊戶郭反。壺音吝。詔相息亮反。後詔相皆放此。泚古愛反。亨普庚

反。

若王不與祭祀則攝位。

王有故代行其祭事。○與音預。

凡大祭祀王后不與則攝而薦豆籩徹。

薦徹豆籩

大賓客則攝而載果。

載爲也。果讀爲裸。代王裸賓客以絕君無酌臣之禮。言爲者攝酌獻耳。拜送則王也。鄭司農云：王不

親爲主

朝覲會同則爲上相。大喪亦如之。王哭諸侯亦如之。

相詔王禮也。出接賓曰擯。入詔禮曰相。相者五人。卿爲上擯。大喪王后及世子也。哭諸侯者謂薨於國。爲位而哭之。檀弓曰：天子之哭諸侯也。爵弁經紼衣。○紼側其反。

王命諸侯則儻。

儻進之也。王將出命假祖廟立依前南鄉。儻者進當命者延之。命使登內史由王右以策命之。降再拜稽首登受策以出。此其略也。諸侯爵祿其臣則於祭焉。○假音格。依於豈反。鄉許亮反。

國有大故則旅上帝及四望。

故謂凶裁旅陳也。陳其祭事以祈焉。禮不如祀之備也。上帝五帝也。鄭司農云：四望日月星海。玄謂

四望五嶽
四鎮四瀆

王大封則先告后土

后土土神也
黎所食者

乃頒祀于邦國都家鄉邑

頒讀爲班班其所當祀及其禮都家之
鄉邑謂王子弟及公卿大夫所食采地

周禮卷十八

周禮卷十九

漢大司農北海鄭玄註

明後學東吳葛蘄訂

宗伯禮官之職

小宗伯之職。掌建國之神位。右社稷。左宗廟。

庫門內雉門外之左右。故書位作立。鄭司農云。立讀爲位。古者立位同字。古文春秋經。公卽位。爲公立卽。

兆五帝於四郊。四望四類亦如之。

兆爲壇之營域。五帝蒼曰靈威仰。大昊食焉。赤曰赤熛怒。炎帝食焉。黃曰含樞紐。黃帝食焉。白曰白招拒。少昊食焉。黑曰汁光紀。顓頊食焉。黃帝亦於南郊。鄭司農云。四望道氣出入。四類三皇五帝九

皇六十月四民咸祀之。玄謂四壁五嶽四鎮四寶四

類日月星辰運行無常以氣類焉之位。北日於東

於南北月與風師於西郊。北司中司命

於南郊。北雨師於北郊。○燹必消反。

北山川丘陵墳衍各因其方。

順其在。

掌五禮之禁令與其用等。

用等。牲器尊卑之差。鄭司農云。五禮吉凶軍賓嘉。

辨廟祧之昭穆。

祧。遷主所藏之廟。自始祖之後。父曰昭。子曰穆。

辨吉凶之五服。車旗宮室之禁。

五服。王及公。卿大夫士之服。

掌三族之別以辨親疏其正室皆謂之門子掌其政

令

三族謂父子孫人屬之正名喪服小記曰親親以三爲五以五爲九正室適子也將代父當門者也

政令謂役守之事○適丁歷反之

毛六牲辨其名物而頒之于五官使共奉之

毛擇毛也鄭司農云司徒主牛宗伯主雞司馬主馬及羊司寇主犬司空主豕

辨六齋之名物與其用使六宮之人共奉之

齋讀爲菜六菜謂大穀黍稷稻粱麥苽○苽音孤

辨六彝之名物以待果將

六彝雞彝鳥彝鬯彝黃彝虎彝雉彝果讀爲裸○鬯音假又音嫁雉音誅

周

禮

卷十九

宗伯禮官之職

二

中華書局聚

辨六尊之名物以待祭祀賓客。

待者有事則給之。鄭司農云：六尊，獻尊、象尊、壺尊、著尊、大尊、山尊。○獻，素何反。著，直略反。大音泰。

掌衣服車旗宮室之賞賜。

王以掌賜有功者。書曰：車服以庸。

掌四時祭祀之序事與其禮。

序事，卜日省牲視滌濯。喪，饗之事。次序之時。

若國大貞則奉玉帛以詔號。

號，神號。幣，號。鄭司農云：大貞，謂卜立君。卜大封。

大祭祀省牲視滌濯祭之日逆盥省鑊告時于王告

備于王。

逆齋受饋人之盛以入省饋視享腥孰時薦
陳之晚早備謂饌具○入省饋志反享普庚反

凡祭祀賓客以時將瓚果

將送也。猶奉也。祭祀以時奉而授王賓客。以時奉而授宗伯天子圭瓚諸侯璋瓚。

詔相祭祀之小禮。凡大禮佐大宗伯。

小禮羣臣之禮。

賜卿大夫士爵則儻。

賜猶命也。儻之如命。諸侯之儀。春秋文元年天王使毛伯來錫公。命傳曰錫者何。賜也。命者何。加我也。服也。

小祭祀掌事。如大宗伯之禮。大賓客受其將幣之齋。

謂所齋來貢獻之財物。○齋子兮反。

若大師則帥有司而立軍社奉主車。

有司大祝也。王出軍必先有事於社。及遷廟而以其主行。社主曰軍社。遷主曰祖。春秋傳曰：軍行祓

社。鼙鼓祝奉以從。曾子問曰：天子巡守以遷廟主行。載于齊車。言必有尊也。書曰：天用命，賞于祖，不用

命，戮于社。社之主，蓋用石爲之，奉謂將行。○祓，孚物反。從，才用反。齊車，側皆反。

若軍將有事，則與祭。有司將事于四望。

軍將有事，將與敵合戰也。鄭司農云：則與祭，謂軍祭表禡。軍社之屬，小宗伯與其祭事。玄謂與祭，謂軍

司謂大祝之屬，蓋司馬之官，實典焉。○與，音預。

若大甸，則帥有司而饁獸于郊，遂頒禽。

甸，讀曰田，有司大司馬之屬，饁饋也。以禽饋四方之神於郊。郊有羣臣之兆，頒禽謂以予羣臣。詩傳

曰：禽雖多，擇取三十焉。其餘以予大夫士，以習射於澤宮而分之。○饁，于輒反。

大哉及執事禱祠于上下神示。

執事大祝及男巫女巫也求福曰禱得求曰祠。禱曰禱爾于上下神祇。鄭司農云小宗伯與執事共

禱祠。○禱音誅。

王崩大肆以秬鬯泚。

鄭司農云大肆大浴也。杜子春讀泚爲泚以秬鬯浴尸。玄謂大肆始陳尸伸之。○泚上婢反。

及執事涖大斂小斂帥異族而佐。

執事大祝之屬。涖臨也。親斂者蓋事官之屬。爲之喪大記曰小斂衣十九稱。君大夫士一也。大斂君

百稱。大夫五十稱。士三十稱。異族佐斂疏者可以相助。

縣衰冠之式于路門之外。

制色宜齊同。○縣音玄。衰七雷反。

及執事眡葬獻器遂哭之。

執事蓋梓匠之屬至將葬獻明器之材又獻素獻成皆於殯門外王不親哭有官代之。

卜葬兆甫窆亦如之。

兆墓塋域甫始也鄭大夫讀窆皆爲穿地爲窆聲如窆爲窆皆謂葬穿擴也今南陽名穿地爲窆聲如

昌脗反脗七歲反脗音卒

既葬詔相喪祭之禮。

喪祭虞祔也檀弓曰葬日虞弗忍一日離也是日以虞易奠卒哭曰成事是日也以吉祭易喪祭

明日祔于祖父

成葬而祭墓爲位。

成葬邱已封也天子之家蓋不一日而畢位壇位也先祖形體託於此地祀其神以安之冢入職曰

大喪既。有日。請度。甫。竊。遂。爲之。尸。

凡王之會同軍旅。甸役之禱祠。肆儀爲位。

肆。習也。故書肆。爲肆。儀。爲義。杜子春讀肆。當爲肆。義。爲儀。若今時肆。司徒府也。小宗伯主其位。○肆。

以志反。李似二反。

國有禍哉。則亦如之。

謂有所禱祈。

凡天地之大。裁類社稷宗廟。則爲位。

禱祈禮輕。類者依其正禮而爲之。

凡國之大禮。佐大宗伯。凡小禮。掌事。如大宗伯之儀。

肆師之職。掌立國祀之禮。以佐大宗伯。

也。佐助。

立大祀用玉帛牲牲。立次祀用牲幣。立小祀用牲。

鄭司農云：大祀，天、地、次祀，日月、星辰；小祀，司命、已下。玄謂：大祀，又有宗廟；次祀，又有社稷；五祀，五嶽。

小祀，又有山川、百物。○中風，師、雨師、山、川、百物。○牲，音全。

以歲時序其祭祀及其祈珥。

序，第、次。其先、後。大、小。故書：祈為幾，杜子春讀幾當為祈。珥，當為珥。玄謂：祈當為進，幾之機。珥當為珥。

升屋，自中。中屋，南面。封羊，血流于前。乃降門，夾室。羊

則皆用雞。其珥，皆於屋下。割雞，門當門。夾室，中室。然

祭，是也。亦謂其宮。兆始成時也。春秋，僖十九年，夏

社，珥也。○珥，而志反。注，珥同。封，苦圭反。

大祭祀展犧牲繫于牢頒于職人

展省閱也職讀爲犧犧可以繫牲者此職人謂充人及監門人○職劉之弋反威音弋注犧同監古

反衙

凡祭祀之卜日宿爲期詔相其禮眡滌濯亦如之

宿先卜祭之夕

祭之日表盥盛告潔展器陳告備及果築鬻相治小禮誅其慢怠者

案大穀也在器曰盛陳陳列也果築鬻者所築鬻以裸也故書表爲剽剽表皆謂徽識也鄭司農云築糞築香草糞以爲斃○果古亂反下同鬻音糞相息亮反識式志反

掌兆中廟中之禁令

北壇
塋域

凡祭祀禮成則告事畢大賓客涖筵几築鬻

此王所以
禮賓客

贊果將

酌鬱鬯授大
宗伯載裸

大朝覲佐儉

爲承
儉

共設匪饗之禮

設於賓客之館公食大夫禮曰若不親食使大夫
以侑幣致之豆實實于簠簋實實于筐匪其筐字
之誤與禮不親饗則以酬幣致
之或者匪以致饗○食音嗣

饗食授祭。

授賓祭肺。

與祝侯禳于疆及郊。

侯禳小祝職也。疆五百里。遠郊百里。近郊五十里。

大喪大泚以鬯則築鬻。

築香草。鬻以爲鬯。以浴尸。香草鬱也。

令外內命婦序哭。

序使相次秩。

禁外內命男女之衰不中灋者。且授之杖。

外命男六鄉以出也。內命男朝廷。不杖。內命女王妻爲外命女。喪服爲夫之君。齊衰不杖。內命女王。

之三曰授人以下不中法。違升數與裁制者。鄭司農云。三日授于杖。五日授大夫杖。七日授士杖。此舊說也。喪大記曰。君之喪。三日于夫。人杖。五日既殯。授大夫。世婦。杖。無七日。授士杖。文。玄。謂授杖日數。王喪。依諸侯。與七日。授士杖。四制云。○衰七。雷反。中。丁仲反。爲夫于僞反。下爲取同。

凡師甸用牲于社宗則爲位。

社。軍社也。宗。遷主也。尚書傳曰。王升舟入水。鼓鐘亞。觀臺亞。將舟亞。宗廟亞。故書位爲社。杜子春云。社當爲位。書亦或爲位。宗謂宗廟。○甸音田。

類造上帝。封于大神。祭兵于山川。亦如之。

造。猶卽也。爲兆以類禮。卽祭上帝也。類禮。依郊祀而爲之者。封。謂壇也。大神。社及方嶽也。山川。蓋軍之所依止。大傳曰。牧之野。武王之大事也。既事而退。柴於上帝。祈于社。設奠於牧室。○造。七報反。事而

凡師不功。則助牽主車。

助。助大司馬也。故書功爲工。鄭司農。工讀爲功。古者工與功同字。謂師無功。肆師助率之。恐爲敵所得。

凡四時之大甸獵。祭表貉。則爲位。

貉。師祭也。貉。讀爲十百之百。於所立表之處。爲師祭。造軍法者。禱氣勢之增倍也。其神蓋蚩蚩。或曰貉。黃帝。○貉音陌。蚩音尤。

嘗之日。涖卜來歲之芟。

芟。芟草除田也。古之始耕者。除田種穀。嘗者。嘗新穀。此芟之功也。卜者。問後歲宜芟不。詩云。載芟載柞。其耕澤澤。○芟色銜反。柞側百反。

獮之日。涖卜來歲之戒。

秋田爲獮。始習兵戒不虞也。卜者。問後歲兵寇之脩。○獮思淺反。

社之日。涖卜來歲之稼。

社祭土。為取財焉。卜者。問後歲稼所宜。

若國有大故。則令國人祭。

大故。謂水旱凶荒。所令祭者。社及祭。音步。

歲時之祭祀亦如之。

月令仲春命民。社此其一隅。

凡卿大夫之喪。相其禮。

相其適子。

凡國之大事。治其禮儀。以佐宗伯。

治。謂如今每事著更。奏白王禮也。故書儀為義。鄭司農云。義讀為儀。古者書儀。但為義。今時所謂義。

誼為

凡國之小事治其禮儀而掌其事如宗伯之禮

鬱人掌裸器

裸器謂彝及舟與瓚

凡祭祀賓客之裸事和鬱鬯以實彝而陳之

築鬱金煑之以和鬯酒鄭司農云鬱草名十葉為貫百二十貫為築以煑之鑊中停於祭前鬱為草

若蘭○鑊子遙反

凡裸玉濯之陳之以贊裸事

裸玉謂圭瓚璋瓚圭

詔裸將之儀與其節

節謂王奉玉送
裸早晏之時

凡裸事沃盥。

大喪之溲。共其肆器。

肆器。陳尸之器。喪大記曰。君設大盤。造冰焉。大夫設夷盤。造冰焉。士併瓦盤。無冰。設牀。禮第有枕。此之謂肆器。天子亦用夷盤。○造七報反。併薄冷反。禮章善反。第側几反。

及葬。共其裸器。遂狸之。

遣奠之彝與瓚也。狸之於祖廟階間。明奠終於此。○狸亡皆反。

大祭祀。與量人受舉。學之卒爵而飲之。

學。受福之嘏。聲之誤也。王醕尸。尸嘏王。此其卒爵也。少牢饋食禮。主人受嘏。詩懷之。卒爵。執爵以興。出宰之。卒爵亦王出房時也。必與量人者。鬱人贊。

扒裸尸量人制從獻之脯籩事相成○學古
扒雅反報古雅反醕侯吝反音胤籩音煩

鬯人掌共秬鬯而飾之。

其秬鬯不和鬱者
飾之謂投巾。

凡祭祀社壝用大罍。

大罍謂委土為墀壇所以祭
也。大罍瓦罍。○墀音善。

禋門用瓢齋。

禋謂營鄭所祭門國門也春秋傳曰日月星辰之神則

大水旱瀆疫之不時於是乎禋之。魯莊二十五年秋。

為瓢杜子春讀齋為棗瓢謂瓢蟲也棗盛也玄謂
齋讀為齋取甘瓠割去抵以齋為尊。○禋音詠齋。

尊在兮反鄭作管反音帝
兮反去起呂反抵音帝

以尊適卑曰臨。春秋傳曰：照臨敝邑。鄭司農云：馳香草。王行弔喪，被之，故曰介。玄謂曲禮曰：擊天子。馳，諸侯至尊，介爲執致之，以禮於鬼神。與檀弓曰：臨諸侯，眡於鬼神，曰有天王某父。此王適四方，舍諸侯。祖廟，祝告其神之辭。介於是進。馳，○爲廟，執于僞，反與音餘。父音甫。

周禮卷十九

風野卷十次

周禮卷二十

漢大司農北海鄭玄註

明後學東吳葛鼎訂

宗伯禮官之職

雞人掌共雞牲辨其物。

物謂毛色也辨之者陽祀用騂陰祀用黝

大祭祀夜嘒旦以詔百官。

夜夜漏未盡雞鳴時也呼旦以警起百官使夙興○嘒火吳反詔古弔反

凡國之大賓客會同軍旅喪紀亦如之。凡國事爲期則告之時。

象雞知時也。告其有司主事者。少牢曰。宗人朝服。北面曰。請祭期。主人曰。比於子宗。人曰。旦明行事。

告時者至此旦明而告之。○朝直遙反。比毗志反。

凡祭祀面禳釁共其雞牲。

釁。釁廟之屬。釁廟以羊門夾室皆用雞。鄭司農云。面禳四面禳也。釁讀爲微。

司尊彝掌六尊六彝之位。詔其酌。辨其用。與其實。

位。所陳之處。酌。沛之使可酌。各異也。用。四時祭祀所用亦不同。實。鬱及醴齊之屬。○沛。子里反。齊。才

反計。

司尊彝掌六尊

六彝

之位

詔其酌

辨其用

與其實

春祠夏禴。裸用雞彝。鳥彝皆有舟。其朝踐用兩獻尊。其再獻用兩象尊。皆有壘。諸臣之所昨也。秋嘗冬蒸。裸用斝彝黃彝。皆有舟。其朝獻用兩著尊。其饋獻用

兩壺尊皆有罍。諸臣之所昨也。凡四時之間祀追享朝享。裸用虎彝。雉彝皆有舟。其朝踐用兩大尊。其再獻用兩山尊。皆有罍。諸臣之所昨也。

裸謂以圭瓚酌鬱鬯始獻尸也。后於是。是以璋瓚酌亞裸。郊特牲曰。周人尚臭。灌用鬯。臭鬱合鬯。臭陰

達於淵泉。灌以圭璋。用玉氣也。既灌然後迎牲。致陰氣也。朝踐謂薦血腥酌醴始行祭事。后於是。薦

朝事之豆籩。既又酌獻其變。朝踐爲朝獻者。尊相因也。朝獻謂尸卒食。王醑之。再獻者。王醑尸之後

后酌亞獻。諸臣爲賓。又次后酌盞齊備。卒食三獻也。於后亞獻。內宗薦加豆籩。其變再獻爲饋。獻者

亦尊相因。饋獻謂薦孰時。后於是。薦饋食之。豆籩此凡九酌。王及后各四。諸臣一。祭之正也。以今祭

禮特牲少牢言之。二裸爲奠。而尸飲七矣。王可以獻。諸臣祭。統曰尸飲五。君洗玉爵。獻。卿是其差也。

明堂位曰。灌用玉瓚。大圭。爵用玉琖。加用璧角。璧散。又鬱人職曰。受舉。舉之。卒爵而飲之。則王醑尸

可以玉爵也。王醕尸用玉爵而畫之為雞。用璧角璧散

有舟皆字之。豐言春夏秋冬及追享朝享自酢不敢與

獻讀為犧。犧尊飾以翡翠象尊以象。鳳皇或曰以

象骨飾尊。明堂位曰：犧象所斂也。詩曰：駉之鑿象

也。明堂位曰：夏后氏以雞彝。殷以罍。周以黃目。爾

雅曰：彝，古豐器也。著尊者，著略尊也。或曰：著尊，著

傳曰：尊以魯壺。追享朝享，謂禘祫也。在四時之間，

集大尊，太古之瓦尊。山尊，山壘也。明堂位曰：秦有

春云：錢當為踐。玄謂黃目，以黃金為目。郊特牲曰：

也。言酌於中而清明於外。追享謂追祭。還廟之，主

月不告朔。猶朝于廟。雉。雉屬。仰鼻而長尾。山。疊。亦刻而畫之。爲山雲之形。○兩獻。本或作戲。注作犧。

同。素。何反。注及下。注。汁。獻。同。單。音。稼。著。直。略。反。朝。享。直。遙。反。朝。受。政。猶。朝。及。下。文。朝。用。同。雉。音。誅。兩。

大。荀。尹。反。禹。音。遇。仰。魚。丈。反。射。隼。食。亦。反。下。

凡六彝六尊之酌。鬱齊獻酌。禮齊縮酌。盎齊泂酌。凡

酒脩酌。

故書縮爲數。齊爲齋。鄭司農云。獻讀爲儀。儀酌。有威儀多也。泂酌者。挾拭勺而酌也。脩酌者。以水洗

勺而酌也。齋讀爲桑。玄謂禮運曰。玄酒在室。醴酸在戶。縮齊讀皆爲桑。玄謂禮運曰。玄酒在室。醴酸在戶。

桑。醒在堂。澄酒在下。以五齊次之。則酸酒。盎齊也。郊特牲曰。縮酌用茅。期酌也。酸酒。泂于清。汁獻。泂

于醴。酒。猶。明。清。與。醴。酒。于。舊。辭。之。酒。也。此。言。轉。相。泂。成。也。獻。讀。爲。摩。莎。之。莎。齊。語。聲。之。誤。也。奠。鬱。和。

程。粦。以。酸。酒。摩。莎。泂。之。出。其。香。汁。也。醴。齊。尤。濁。和。以。期。酌。泂。之。以。茅。縮。去。滓。也。盎。齊。差。清。和。以。清。酒。

酒也。而巳。其餘三齊泛醴。醴以水和。而沛之。今齊人命浩酒曰滌。明酌酌皆以舊。釀之酒。凡此四者。裸明酌。清酒。醲酒。滌酒。之皆以舊。釀之酒。凡此四者。裸用。鬱齊。朝用。醴齊。饋用。盎齊。諸臣自酢。用凡酒。唯大事于大廟。備五齊。三酒。○獻酌。素何。反。司農音儀。說舒。銳反。脩酌。直歷反。注同。數音。朔下同。爲。音。子。兮。反。稅。飾舒。銳反。齊和。胡臥反。醲音。莊產反。緹音。體。薈澤音。亦下曰。薛音同。莎素何反。去滓起呂反。

大喪存奠彝

存省也。謂大遣時。奠者。朝夕乃徹也。

大旅亦如之

旅者。國有大故之祭也。亦有其奠。彝則陳之。不卽徹。

司几筵。掌五几五席之名物。辨其用。與其位。

設之。凡左右玉。彫形漆素。五席莞藻。次蒲熊。用位所

又作樂音早

凡大朝覲。大享射。凡封國命諸侯。王位設黼。依。依前。南鄉。設莞筵。紛純。加纁席。畫純。加次席。黼純。左右玉几。

斧謂之黼。其纁白。黑文。以絳帛爲質。依其制如屏風。然於依前爲王。設席左右有几。優至尊也。鄭司

農云。紛。讀爲齒。又讀爲和。粉之。粉。謂白纁也。純。讀爲均。服之。均。純。緣也。纁。讀爲藻。率之。藻。次席。虎皮

爲席。書顧命曰。成王將崩。命大保芮。伯畢公等。被冕服。憑玉几。玄謂紛如綬。有文而狹者。纁席。削蒲

藹。展之。編以五采。若今合歡矣。畫。謂雲氣也。次。席。桃枝。席有次。列成文。○依於豈反。鄉。許亮反。純。章

率。尤反。爲王于僞反。音律。藹。音翦。

祀先王昨席亦如之。

鄭司農云。昨席於主階設席。王所坐也。玄謂昨讀曰酢。謂祭祀及王受酢之席。尸卒食。王酌之。卒爵。祝受之。又酌授尸。尸酢。王於是席。王於戶內。后諸臣致爵。乃設席。

諸侯祭祀。席蒲筵。續純。加莞席。紛純。右彫几。

續。畫文也。不莞。席加纁者。纁柔。嚳不。如莞。清堅。又於鬼神宜。嚳如充反。

昨席。莞筵。紛純。加纁席。畫純。筵國賓于牖前。亦如之。

左彫几。

昨讀亦曰酢。鄭司農云。禮記國賓。老臣也。為布筵。席於牖前。玄謂國賓。諸侯來朝。孤卿大夫來聘。後

言几者。使不蒙如也。朝者。彫几。聘者。彤几。

甸役。則設熊席。右漆几。

謂王甸有司祭表貉所設席○甸音田

凡喪事設葦席右素几其柏席用萑黼純諸侯則紛

純每敦一几

喪事謂几奠也萑如葦而細者鄭司農云柏席迫地之席葦居其上或曰柏席載黍稷之席玄謂柏

文樽字磨滅之餘樽席藏中神坐之席也敦讀曰燾燾覆也棺在殯則樽燾既窆則加見皆謂覆之周

几禮雖合葬及同時在殯皆異几體實不同祭於廟同几精氣合○柏音迫萑音丸敦音道藏才浪反

燾音

凡吉事變几凶事仍几其禁令

故書仍爲乃鄭司農云變几變更其質謂有飾也乃讀爲仍仍因也因其質謂無飾也爾雅曰儻仍

因也書顧命曰翌日乙丑成王崩癸酉臘間南鄉西序東嚮東序西嚮皆仍几玄謂吉事王祭宗廟

裸於室饋食於堂繹於祊每事易几神事文示新
之也凶事謂凡奠几朝夕相因喪禮略○翌音翼

耕祊
反補

天府掌祖廟之守藏與其禁令。

祖廟始祖后稷之廟其寶物世傳守之若魯
寶玉大弓者○守藏上手又反下才浪反

凡國之玉鎮大寶器藏焉若有大祭大喪則出而陳
之既事藏之。

玉鎮大寶器玉瑞玉器之美者禘祫及大喪陳之
以華國也故書鎮作瑱鄭司農云瑱讀爲鎮書顧

命曰翌日乙丑王崩丁卯命作冊度越七日癸酉
陳寶赤刀大訓弘璧琬琰在西序大玉夷玉天球

和之弓垂之竹矢在東房此其行事見於經○瑱

他見反瑱以再反裁扶云
反兌徒外反見賢邇反

凡官府鄉州及都鄙之治中受而藏之以詔王察羣

吏之治

論察察其當黜陟者鄭司農云治中謂其治職簿書之要○中丁仲反

上春釁寶鎮及寶器

上春孟春也釁謂殺牲以血血之鄭司農云釁讀爲徽或曰釁鼓之釁鄭

凡吉凶之事祖廟之中沃盥執燭

吉事四時祭也凶事后王喪朝于祖廟之奠○朝直遙反

季冬陳玉以貞來歲之燠惡

問專之正曰貞問歲之美惡謂問於龜大卜職大貞之屬陳玉陳禮神之玉凡卜筮實問於鬼神龜

筮能出其卦兆之占耳龜有天地四方則玉有六器者與言陳者既事藏之不必經之也鄭司農云

貞問也。易曰：師貞丈人吉。問於丈人。國語曰：貞於陽卜。○與音餘。

若遷寶則奉之。

奉猶送也。

若祭天之司民司祿而獻民數穀數則受而藏之。

司民，軒轅角也。司祿，文昌第六星。或曰：下能也。祿之言穀也。年穀登，乃後制祿祭。此二星者，以孟冬既祭之，而上民穀之數於天府。○能，他來反。上，時掌反。天。

典瑞掌玉瑞玉器之藏，辨其名物，與其用事，設其服飾。

大執以見曰瑞。禮神曰器。瑞符信也。服飾，服玉之飾。謂纁藉。○藏，才浪反。見賢遍反。藉，在夜反。

王晉大圭執鎮圭，纁藉五采，五就以朝日。

王祭羣

纁有五采文所以薦玉木爲中幹用韋衣而畫之就成也王朝日者示有所尊訓民事君也天子常

兩

春分朝日秋分夕月觀禮曰拜日於東門之外故書鎮作瑱鄭司農云晉讀爲播紳之播謂插於紳

帶之間若帶劍也瑱讀爲鎮玉入職曰大圭長三尺杼上終葵首天子服之鎮圭尺有二寸天子守

之纁讀爲藻率之藻五就五帀也一帀爲一就○朝直遙反韋衣於旣反

公執桓圭侯執信圭伯執躬圭繅皆三采三就子執穀璧男執蒲璧繅皆二采再就以朝覲宗遇會同于王。

三采朱白蒼二采朱綠也鄭司農云以圭璧見於王覲禮曰侯氏入門右坐奠圭再拜稽首侯氏見

於天子春日朝夏曰宗秋曰覲冬曰遇時見曰會殷見曰同○信圭音身

諸侯相見亦如之

鄭司農云亦執圭璧以相見故郛隱公朝於魯春秋傳曰郛子執玉高其容仰

瑑圭璋璧琮繅皆二采一就以類聘

璋以聘聘后夫人以琮享之大夫來曰瑑寡來曰聘鄭司農云瑑有圻鄂瑑起○瑑直轉反類他

瑑反圻魚斤反圻

四圭有邸以祀天旅上帝

鄭司農云於中央爲璧圭著其四面一玉俱成爾雅曰邸本也圭本著於璧故四圭有邸圭末四出

故也或說四圭有邸有四角也邸讀爲抵敷之抵上帝玄天玄謂祀天夏正郊天也上帝五帝所郊

亦猶五帝殊言天者尊異之也大宗伯職曰國有大故則旅上帝及四望○著直力反

兩圭有邸以祀地旅四望

兩圭者以象地數二也餘而同邸祀地謂所祀於北郊神州之神○餘昌緝反邸音帝

裸圭有瓚以肆先王以裸賓客

鄭司農云於圭頭爲器可以挹鬯裸祭謂之瓚故詩曰卹彼玉瓚黃流在中國語謂之鬯圭以肆先

王裸先王祭也玄謂肆解牲體以祭因以爲名爵行曰裸漢禮瓚槃大五升口徑八寸下有槃口徑

尺一

圭璧以祀日月星辰

圭其卽爲璧取殺於上帝○殺色界反

璋邸射以祀山川以造贈賓客

璋有邸而射取殺於四望鄭司農云射剡也○射食亦反

土圭以致四時日月封國則以土地

以致四時日月者度其景至不至以知其行得失也冬夏以致日春秋以致月土地猶度地也封諸

侯司農說以玉人景觀分寸圭尺短以制其域所致日以

土度待洛反下度地度日圭

珍圭以徵守以恤凶荒

杜子春云珍當為鎮書亦或為鎮以徵守者以徵
召守國諸侯若今時徵郡守以竹使符也鎮者國
之鎮諸侯亦一國之鎮故以鎮圭鎮安之也凶荒則
民有遠志不安其土故以鎮圭鎮安之玄謂珍圭則
王使之瑞節制大小當與琬琰相依王使人徵諸
侯憂凶荒之國則投之執以往致王命焉如今徵諸
使者持節矣恤者闡府庫振救之凡瑞節歸又
執以反命○守劉手又反使所吏反闡音開

牙璋以起軍旅以治兵守

鄭司農云牙璋琥符發兵玄謂牙璋亦王使之璋發
兵若今時以銅虎符發兵牙璋亦王使之璋發
節兵守用兵所守若
齊人戍遂諸侯戍周

璧羨以起度

圭 玉 璧 五

大曰鄭司農云羨長也此璧徑長尺以起度量玉人職

寸表一尺表音茂

駟圭璋璧琮琥璜之渠眉疏璧琮以斂尸

計人動大

鄭司農云駟外有捷盧也駟讀為駟疾之駟疏讀為沙謂圭璋璧琮琥璜皆為開渠為眉琮沙除以

斂尸令汁得流去也玄謂以斂尸者於大斂焉加之也駟讀為組與組馬同聲之誤也渠眉玉飾之

溝球也以組穿聯六玉溝球之中以斂尸圭在左璋在首琥在右璜在足璧在背琮在腹蓋取象方

明神之也疏璧琮者會文於天大夫持以合禮通於天地○駟音祖

穀圭以和難以聘女

穀圭亦王使之瑞節穀善也其飾若粟文然難仇

周禮卷二十一 宗伯禮官之職 九 中華書局聚

瑗嘉平戎于王其聘女則以
納徵焉○難于王且反鄉音談

琬圭以治德以結好

琬圭亦王使之瑞節諸侯有德王命賜之及諸侯
使大夫來聘既而爲壇會之使大夫執以命事焉

大行人職曰時聘以結諸侯之好好鄭司農云
琬圭無鋒芒故治德以結好○好好呼報反圭亦

琰圭以易行以除慝

琰圭亦王使之瑞節鄭司農云琰圭有鋒芒傷害
征伐誅討之象故以易行除慝易惡行令爲善者

以此圭責讓喻告之也玄謂除慝亦於諸侯使大
夫來類既而使大夫執而命事於壇大行人職曰

慝殷類以除邦國之
○易行下孟反之

大祭祀大旅凡賓客之事共其玉器而奉之

王與

玉器謂四圭
裸圭之屬

大喪共飯玉含玉贈玉。

飯玉。碎玉以糝米也。含玉。柱左右顛及在口中者。雜記曰。含者執璧將命。則是璧形而小耳。贈玉。蓋

璧也。贈有束帛。六幣。璧以帛。○飯扶。晚反。含戶暗反。

凡玉器出則共奉之。

玉器出。謂王所好賜也。奉之。送以往遠。則送於使者。

周禮卷二十

大宋景靈宮三舍王觀玉

玉觀志

玉觀志卷之五

周禮卷二十一

漢大司農北海鄭玄註

明後學東吳金蟠訂

宗伯禮官之職

典命掌諸侯之五儀諸臣之五等之命

五儀公侯伯子男之儀五等謂孤以下四命三命再命一命不命也或言儀或言命互文也故書儀

作義鄭司農義讀為儀

上公九命為伯其國家宮室車旗衣服禮儀皆以九為節侯伯七命其國家宮室車旗衣服禮儀皆以七為節子男五命其國家宮室車旗衣服禮儀皆以五

爲節。

上公謂王之三公有德者加命爲二伯二王之後亦爲上公國家國之所居謂城方也公之城蓋方

九里宮方九百步侯伯之城蓋方七里宮方七百步子男之城蓋方五里宮方五百步大行人職則

有諸侯圭藉冕服建常樊纓貳車介牢禮朝位之數焉○樊步干反

王之三公八命其卿六命其大夫四命及其出封皆加一等其國家宮室車旗衣服禮儀亦如之。

四命中下大夫也出封出畿內封於八州之中加一等褒有德也大夫爲子男卿爲侯伯其在朝廷

則亦如命數耳王之上下士一命

凡諸侯之適子誓於天子攝其君則下其君之禮一等未誓則以皮帛繼子男。

誓猶命也。言誓者，明天子既命以爲之詞，樹子不
易也。春秋桓九年，曹伯使其世子射姑來朝，行國
君之禮是也。公之子如侯伯而執圭，侯伯之子如
子男而執璧，子男之子與未誓者皆次小國之君。
執皮帛而適朝會焉，其賓之皆以上卿
之禮焉。○適子丁歷，反射姑音亦。

公之孤四命，以皮帛。眡小國之君，其卿三命，其大夫
再命，其士一命。其宮室、車旗、衣服、禮儀，各眡其命之
數。侯伯之卿、大夫、士亦如之。子男之卿再命，其大夫
一命，其士不命。其宮室、車旗、衣服、禮儀，各眡其命之
數。

視小國之君者，列於卿大夫之位，而禮如子男也。
鄭司農云：九命上公，得置孤卿一人。春秋傳曰：列
國之卿當小國之君，固周制也。玄謂王制曰：大國
三卿，皆命於天子；下大夫五人，上士二十七人。次國

國上士二卿命於天子。二卿皆命於其君。下大夫五

五人。上士二十人。

司服掌王之吉凶衣服。辨其名物。與其用事。

用事。祭祀視朝。甸凶。弔之事。衣服各有所用。

王之吉服。祀昊天上帝。則服大裘而冕。祀五帝亦如之。享先王則衮冕。享先公饗射則鷩冕。祀四望山川則毳冕。祭社稷五祀則希冕。祭羣小祀則玄冕。

大服同冕者。首飾尊也。先公謂后稷之後。大王之前。不密至諸整饗射饗食賓客與諸侯射也。羣小

祀。林澤墳衍四方百物之屬。鄭司農云。大裘羔裘也。衮卷龍衣也。鷩裨衣也。毳屬麕衣也。玄謂書曰。予

欲觀古人之象。日月星辰山龍華蟲作織。宗彝藻火粉米黼黻希繡。此古天子冕服十二章。舜欲觀

焉。華蟲五色之蟲。續人職曰：鳥獸蛇雜四時五色以章之。謂是也。希讀爲綺。或作備。字之誤也。王者

相變至周而以日月星辰畫於旌旗。所謂三辰旂旗。昭其明也。而冕服九章。登龍於山。登火於宗彝。

尊其神明也。九章。初一日龍。次二曰山。次三曰華蟲。次四曰火。次五曰宗彝。皆畫以爲績。次六曰藻。

次七曰粉米。次八曰黼。次九曰黻。皆畫以爲織。則裘之衣五章。裳四章。凡九也。鷩畫以雉。謂華蟲也。

其衣三章。裳二章。凡七也。希刺粉米。無畫也。其衣三章。裳二章。凡五也。希刺粉米。無畫也。其衣一

章。裳二章。凡三也。玄者衣無文。衣刺黻而已。是謂玄焉。凡冕服皆玄衣纁裳。○鷩必滅。反鷩昌銳。

側反。備張律反。整直留反。屬居。○鷩必滅。反鷩昌銳。

凡兵事韋弁服。

韋弁。以韠韋爲弁。又以爲衣裳。春秋傳曰：晉郤至衣韠。韋之附注是也。今時五伯緹衣。古兵服之遺。

色。○韠劉音妹。又莫拜反。衣於既反。附芳符反。緹音體。

眡朝則皮弁服。

視朝視內外朝之事。皮弁之服十五升白布衣。積素以爲裳。王受諸侯朝覲於廟則衮冕。

凡甸冠弁服。

甸田獵也。冠弁委貌。其服緇布衣亦積素以爲裳。諸侯以爲視朝之服。詩國風曰緇衣之宜兮。謂王

居則玄端。○甸王卒食而

凡凶事服弁服。

服弁喪冠也。其服斬衰。齊衰。○衰七雷反。下皆同。齊音咨。

凡弔事弁經服。

弁經者如爵弁而素加環經。論語曰羔裘玄冠不以弔。經大如緦之經。其服錫衰。緦衰。疑衰。諸侯及皮弁。錫衰則變其冠爲弔服。喪服舊說以爲士弔服素

委貌冠朝服。此近庶人弔服。而衣猶非也。士當事

弁。經疑衰變其裳以素耳。國君於其臣。弁經。他國

之臣。則皮弁。大夫士有朋友之恩。亦弁經。故書弁

音弁

凡喪爲天王斬衰。爲王后齊衰。

王后小君也。諸侯爲之。不杖期。○爲于僞反。

王爲三公六卿錫衰。爲諸侯緦衰。爲大夫士疑衰。其

首服皆弁經。

君爲臣服弔服也。鄭司農云。錫麻之滑。易者十五升去其半。有事其布無事其緦。緦亦十五升去其

半。有事其緦無事其布。疑衰十四升。衰玄謂無事其緦。衰在內無事其布。衰在外疑之言擬也。擬於

大吉。○易以歧反去起呂反。

大札大荒大裁素服

大札疫病也。大荒飢饉也。大裁水火為害。君臣素服縞冠。若晉伯宗哭梁山之崩。

公之服自袞冕而下。如王之服。侯伯之服自鷩冕而下。如公之服。子男之服自毳冕而下。如侯伯之服。孤之服自希冕而下。如子男之服。卿大夫之服自玄冕而下。如孤之服。其凶服加以大功小功。士之服自皮弁而下。如大夫之服。其凶服亦如之。其齊服有玄端素端。

自公之服。袞冕至卿大夫之玄冕。皆其朝聘天子及助祭之服。諸侯非二王後其餘皆玄冕而祭於己。及雜記曰。大夫冕而祭於己。大夫爵弁而祭於己。士弁而祭於己。反冠而祭於己。大夫爵弁而祭於己。士弁而祭於己。唯孤爾。其祭

餘皆玄冠。與士同。玄冠自祭其廟者。其服朝服。玄端。諸侯之自相朝聘。皆皮弁服。此天子日視朝之服。喪服。天子諸侯齊斬而已。卿大夫加以大功。小功。士亦如之。又加緦焉。士齊有素端者。亦為札。荒。有所禱請。變素服。言素端者。明異制。鄭司農云。衣有所禱者。為端。玄謂端者。取其正也。士之衣。袂皆已二尺。後二寸。而屬者。蓋半而益一焉。半而益一寸。則其袂三尺三寸。祛尺八寸。○其齊側皆反。注。士齊同。有禱音儒。屬音燭。祛起呂反。上時掌反。士。

凡大祭祀。大賓客。共其衣服而奉之。

奉猶送也。送之於王所。

大喪。共其復衣服。斂衣服。奠衣服。廡衣服。皆掌其陳序。

奠衣服。今坐上魂衣也。故書廡為淫。鄭司農云。淫讀為廡。廡陳也。玄謂廡衣服所藏於梓中。○廡虛。

反今

典祀掌外祀之兆。守皆有域。掌其政令。

外祀謂所祀於四郊者。域兆表之。塋域。

若以時祭祀。則帥其屬而脩除。徵役于司隸而役之。

屬其屬胥徒也。脩除芟掃之徵召也。役之作使之。

及祭。帥其屬而守其厲禁。而蹕之。

鄭司農云。蹕列禁人不得令入。○蹕音畢。令力呈反。

守祧掌守先王先公之廟祧。其遺衣服藏焉。

廟謂大祖之廟。及三昭三穆遷主所藏曰祧。先公之遷主藏于后稷之廟。先王之遷主藏于文武之廟。遺衣服大斂之餘也。故書祧作濯。鄭司農濯讀爲祧。此王者之宮而有先公。謂大王以前爲諸侯。

若將祭祀則各以其服授尸

尸當服卒者之上服以象生時

其廟則有司脩除之其祧則守祧黝堊之

廟祭此廟也祧祭遷主有司宗伯也脩除黝堊互言之有司恆主修除守祧恆主黝堊鄭司農云黝謂之堊○黝於糾反堊烏路反或烏洛反

既祭則藏其隋與其服

鄭司農云隋謂神前所沃灌器名玄謂隋尸所祭肺脊黍稷之屬藏之以依神○隋許恚反劉相恚反

世婦掌女宮之宿戒及祭祀比其具

女宮刑女給宮中事者宿戒當給事豫告之齊戒也比次也具所濯漑及黍盛之饗鄭司農比讀爲

比比也。本亦作庇。

詔王后之禮事。

薦傲之節。

帥六宮之人共齋盛。

帥世婦女御。○齋音咨。

相外內宗之禮事。

同姓異姓之女有爵佐后者。○相息亮反。

大賓客之饗食亦如之。

比帥詔相其事同。

大喪比外內命婦之朝莫哭不敬者而苛罰之。

苟謹也。

凡王后有擯事於婦人則詔相。

鄭司農云謂爵婦人玄謂拜拜謝之也。喪大記曰夫人亦拜寄公夫人於堂上也。

凡內事有達於外官者世婦掌之。

主通之使相共授。

內宗掌宗廟之祭祀薦加豆籩。

加爵之豆籩故書爲籩豆。鄭司農云謂婦人所薦。杜子春云當爲豆籩。

及以樂徹則佐傳豆籩。

佐傳佐外宗。傳直專反。

賓客之饗食亦如之。王后有事則從。大喪序哭者。

次序外內宗及命婦
哭位○從才用反

哭諸侯亦如之。凡卿大夫之喪，掌其弔臨。

王后弔臨諸侯而已。
是以言掌卿大夫云。

外宗掌宗廟之祭祀。佐王后薦玉豆。眡豆籩。及以樂徹亦如之。

眡視
其實

王后以樂羞盥則贊。

贊猶佐也。
○盥音吝。

凡王后之獻亦如之。

獻獻酒
於尸

王后不與則贊宗伯。

后有故不與祭宗伯攝其事。○與音預。

周禮卷二十一

王叔不與與贊宗命

周禮卷二十二

漢大司農北海鄭玄註

明後學東吳葛蘄訂

宗伯禮官之職

冢人掌公墓之地。辨其兆域而爲之圖。先王之葬居中。以昭穆爲左右。

公君也。圖謂畫其地形。及邱壟所處而藏之。先王造塋者。昭居左。穆居右。夾處東西。

凡諸侯居左右以前。卿大夫士居後。各以其族。

子孫各就其所出正。以尊卑處其前後。而亦併昭穆。

凡死於兵者。不入兆域。

戰敗無勇投諸
塋外以罰之

凡有功者居前。

居王墓之前處
昭穆之中央

以爵等爲丘封之度與其樹數。

別尊卑也王公曰邱諸臣曰封漢律曰列
侯墳高四丈關內侯以下至庶人各有差

大喪既有日請度甫窆遂爲之尸。

甫始也請量度所始窆之處地爲尸者成葬爲祭
墓地之尸也鄭司農云既有日既有葬日也始窆

時祭以告后土冢人
爲之尸○度待洛反

及窆以度爲丘隧共喪之窆器。

隧羨道也度邱與羨道廣袤所至窆器下棺豐碑
之屬喪大記曰凡封用綈去碑負引君封以衡大

夫以咸○窆彼驗反又
補鄧反咸本又作緘

及葬言鸞車象人。

鸞車中車所飾遣車也亦設鸞旗鄭司農云象人謂以芻爲人言言問其不如法度者玄謂言猶語也語之者告當行若於生存者於是中車行之孔子謂爲芻靈者善謂爲備者不仁非作象人者不

殆於用生乎
○備音勇

及窆執斧以洌。

臨下
棺也

遂入藏凶器。

凶器
明器

正墓位。蹕墓域。守墓禁。

位謂邱封所居前
後也禁所爲塋限

凡祭墓爲尸。

祭墓爲尸。或禱祈焉。鄭
司農云。爲尸。家人爲尸。

凡諸侯及諸臣葬於墓者。授之兆。爲之蹕。均其禁。
墓大夫掌凡邦墓之地域。爲之圖。

凡邦中之墓地。
萬民所葬地。

令國民族葬。而掌其禁令。

族葬各
從其親。

正其位。掌其度數。

位。謂昭穆也。度
數。爵等之大小。

使皆有私地域。

古者萬民墓地同處分其地使各有區域得以族葬使相容。

凡爭墓地者聽其獄訟。

爭墓地相侵區域。

帥其屬而巡墓厲居其中之室以守之。

厲塋限遮列處鄭司農云居其中之室有官寺在墓中。

職喪掌諸侯之喪及卿大夫士凡有爵者之喪以國之喪禮洫其禁令序其事。

國之喪禮喪服士喪既夕士虞今存者其餘則亡事謂小斂大斂葬也。

凡國有司以王命有事焉則詔贊主人。

有事謂舍棧贈賄之屬詔贊者以告主人佐其受之鄭司農云凡國謂諸侯國有司謂王有司也以

王命有司從事職喪主詔贊主人玄謂凡國有司有司從王國以三命往○賄芳鳳反

凡其喪祭詔其號治其禮

鄭司農云號謂謚號玄謂告以牲號齎號之屬當以祝之○齎音咨

凡公有司之所共職喪令之趣其事

令令其當供物者給事之期也。有司或言公或言國言國者由其君所來居其官曰公謂王遣使奉命有贈之物各從其官出職喪當催督也

春官宗伯下

大司樂掌成均之灋以治建國之學政而合國之子弟焉

鄭司農云均調也樂師主調其音大司樂主受此成事已調之樂玄謂董仲舒云成均五帝之學成均之法者其遺禮可法者國之子弟當學者謂之國子文王世子曰於成均以及取爵於上尊然則周人立此學之宮

凡有道者有德者使教焉死則以爲樂祖祭於瞽宗

道多才藝者德能躬行者若舜命夔典樂教胄子是也死則以爲樂之祖神而祭之鄭司農云瞽樂位曰瞽宗殿學也泮宮周學也以此觀之祭於學中宮

以樂德教國子中和祇庸孝友

中猶忠也和剛柔適也祇敬庸有常也善父母曰孝善兄弟曰友

以樂語教國子興道諷誦言語

興者以善物喻善事。道讀曰導。導者言古以剗今也。倍文曰調。以聲節之曰誦。發端曰言。答述曰語。

應興許
反

以樂舞教國子。舞雲門。大卷。大咸。大磬。大夏。大濩。大

武。

此周所存六代之樂。黃帝曰雲門。大卷。黃帝能成名萬物。以明民。共財。言其德如雲。之所出。民得以有族類。大咸。池。堯樂也。堯能禪均。行法。以儀民。言其德無所不施。大磬。舜樂也。言其德能詔堯之也。道也。大夏。禹樂也。禹治水。傳土。言其德能大中國也。大濩。湯樂也。湯以寬治民。而除其邪。言其德能使其天下得其所也。大武。武王樂也。武王伐紂。以除其害。言其德能成武功。○卷音權。磬上昭反。濩戶故反。共音恭。禪時戰反。傅音孚。

以六律。六同。五聲。八音。六舞。大合樂。以致鬼神示。以

和邦國以諧萬民以安賓客以說遠人以作動物

六律合陽聲者也六同合陰聲者也此十二者以銅爲管轉而相生黃鍾爲首其長九寸各因而三

以分之上生者益一分下生者去一焉國語曰律所以立均出度也古之神瞽考中聲而量之以制度

律均鍾言以中聲定律以律立鍾之均大神人以鬼以

夏曰夏至作之致地祇物彰動物羽羸之屬虞書云

位羣后德讓下管鼗鼓合止祝啟笙鏞以問鳥獸

音悅上生時掌反去一起呂反度待洛反彪眉冀

又作羸力果反夏居八反鼗徒刀反敵本

乃分樂而序之以祭以享以祀

分謂各用一代之樂

乃奏黃鍾歌大呂舞雲門以祀天神

以黃鍾之合奏之以呂之聲為均者黃鍾陽聲之首大呂為之合奏之以祀天神尊之也天神謂五帝及

日月星辰也王者又各以夏正月祀其所受命之帝於南郊尊之也孝經說曰祭天南郊就陽位是

也○正音征

乃奏大簇歌應鍾舞咸池以祭地示

大簇陽聲第二應鍾為之合咸池大咸也地祗所祭於北郊謂神州之神及社稷○大簇音太下七

反豆

乃奏姑洗歌南呂舞大磬以祀四望

姑洗陽聲第三南呂為之合四望五嶽四鎮四寶此言祀者司中司命風師雨師或亦用此樂與

乃奏蕤賓歌函鍾舞大夏以祭山川

蕤賓陽聲第四函鍾爲之合
函鍾一名林鍾○蕤人誰反

乃奏夷則歌小呂舞大濩以享先妣

夷則陽聲第五小呂爲之合小呂一名中呂先妣
姜嫄也姜嫄履大人跡感神靈而生后稷是周之

先母也周立廟自后稷爲始祖姜嫄無所妃是
以特立廟而祭之謂之闕宮闕神之○妃音配

乃奏無射歌夾鍾舞大武以享先祖

無射陽聲之下也夾鍾爲之合夾鍾一
名圃鍾先祖謂先王先公○射音亦

凡六樂者文之以五聲播之以八音

六者言其均皆待五聲八音乃成也播之言被也
故書播爲藩杜子春云藩當爲播讀如后稷播百

穀之
播

凡六樂者一變而致羽物及川澤之示再變而致羸

物及山林之示。三變而致鱗物。及丘陵之示。四變而致毛物。及墳衍之示。五變而致介物。及土示。六變而致象物。及天神。

變猶更也。樂成則更奏也。此謂大祭則用大索。鬼神而致百物。六奏樂而禮畢。東方之祭則用大簇。姑洗南方之祭則用蕤賓。西方之祭則用夷則。無射北方之祭則用黃鍾。為均焉。每奏有所感致。和以來之。凡動物敏疾者。地祇高下之甚者。易致。羽物既飛。又走川澤。有孔竅者。蛤蟹走則遲。墳衍孔竅則小矣。是其所以舒疾之分。土祇原隰及平地之神也。象物有象在天。所謂四靈者。天地之神。四靈之神。知非德至和。則不至。禮運曰。何謂四靈。麟鳳龜龍。謂之四靈。龍以為畜。故魚鮪不滄。鳳以為畜。故鳥不蠶。麟以為畜。故獸不狘。龜以為畜。故人畜許不失。蠶士嫁反。易以歧反。狘反。扶問反。知音。畜許六反。休于軌反。狘休越音。審商。

凡樂。圜鍾爲宮。黃鍾爲角。大簇爲徵。姑洗爲羽。鼙鼓
鼙鼓。孤竹之管。雲和之琴瑟。雲門之舞。冬日至。於地
上之圜丘奏之。若樂六變。則天神皆降。可得而禮矣。
凡樂。函鍾爲宮。大簇爲角。姑洗爲徵。南呂爲羽。靈鼓
靈鼓。孫竹之管。空桑之琴瑟。咸池之舞。夏日至。於澤
中之方丘奏之。若樂八變。則地示皆出。可得而禮矣。
凡樂。黃鍾爲宮。大呂爲角。大簇爲徵。應鍾爲羽。路鼓
路鼓。陰竹之管。龍門之琴瑟。九德之歌。九磬之舞。於
宗廟之中奏之。若樂九變。則人鬼可得而禮矣。

此三者皆禘大祭也。天神則主北辰。地祇則主崑崙
崑崙。人鬼則主后稷。先奏是樂。以致其神。禮之以玉。

而裸焉乃後合樂而祭之大傳曰王者必禘其祖之所自出祭法曰周人禘饗而郊稷謂此祭天圜

丘以饗配天之帝之明堂函鍾林鍾也林鍾生於房心之氣房心為大饗辰天帝之明堂函鍾林鍾也林鍾生於房

地之神也黃鍾生於虛危之氣虛危為宗廟以此三社之氣未坤之位或曰天社在東井與鬼之外天社

者為宮用聲類求之天宮夾鍾陰聲其相生從陽數其陽無射無射上生中宮中宮與地宮同位不

用也林中呂上生太簇太簇下生南呂南呂與地宮同位不用林鍾上生太簇太簇下生南呂南呂與地宮同位

同位又不用南呂上生姑洗地宮林鍾上生太簇太簇下生南呂南呂與地宮同位又辟之陽之林鍾又辟之南呂太

簇下生南呂南呂與地宮同位又辟之陽之林鍾又辟之南呂太簇下生南呂南呂與地宮同位又辟之南呂太

應鍾上生姑洗姑洗南呂之宮合又辟之姑洗又辟之應鍾上生姑洗姑洗南呂之宮合又辟之姑洗又辟之應鍾

徵羽此樂無商者祭尚柔商堅剛也鄭司農云靈賓上生大呂凡五聲宮之所生濁者為角清者為

鼓靈叢叢四面路鼓路叢兩面九德之歌春秋傳所

王謂水火金木土穀謂之六府正德利用厚生謂之
三事六府三事謂之九功九功之德皆可歌也謂之
鼓路九歌也玄謂靈鼓靈鼓八面靈鼓靈鼓六面路
鼓路靈鼓四面孤竹竹特生者孫竹竹枝根之末生
者陰竹生於山北者雲和空桑龍門皆山名九磬
讀當爲大韶字之誤也○角如字古音鹿徵張里
反羸音雷響若
篤反辟音避

凡樂事大祭祀宿縣遂以聲展之。

叩聽其聲具陳次之以知完不
○縣音玄下樂縣之類皆放此

王出入則令奏王夏屍出入則令奏肆夏牲出入則
令奏昭夏。

三夏皆樂章
名○屍音尸

帥國子而舞。

當用舞者
帥以往

大饗不入牲其他皆如祭祀

大饗饗賓客也不入牲牲不入亦不奏昭夏也其他謂王出入賓客出入亦奏王夏肆夏

大射王出入令奏王夏及射令奏騶虞

騶虞樂章名在召南之卒章王射以騶虞爲節○騶側留反

詔諸侯以弓矢舞

舞謂執弓挾矢揖讓進退之儀

王大食三侑皆令奏鍾鼓

大食朔月月半以樂侑食時也侑猶勸也○侑音又

王師大獻則令奏愷樂

大獻。獻捷於祖。愷樂。獻功之樂。鄭司農說以春
秋晉文公敗楚於城濮。傳曰振旅愷以入于晉。

凡日月食。四鎮五嶽崩。大傀異哉。諸侯薨。令去樂。

四鎮。山之重大者。謂揚州之會稽。青州之沂山。幽
州之醫無閭。冀州之霍山。五嶽。岱在兗州。衡在荆

州。華在豫州。嵩在雍州。恆在并州。傀。猶怪也。大怪
異。裁。謂天地奇變。若星辰奔翼。及震裂為害者。去

樂。藏之也。春秋傳曰。壬午。猶。萬入去。籥。萬言入
則去者不入。藏之可知。○傀。音怪。會。古外反。雍。於

于。用反。翼。
反。

大札。大凶。大裁。大臣死。凡國之大憂。令弛縣。

札。疫癘也。凶。凶年也。裁。水火也。弛。釋
下之。若。今休兵。數之為。○弛。式氏反。

凡建國。禁其淫聲。過聲。凶聲。慢聲。

淫聲。若鄭衛也。過聲。失哀樂之節。凶聲。亡國
之聲。若桑間濮上。慢聲。惰慢不恭。○樂。音洛。

周

禮卷二十二

宗伯禮官之職

九中華書局聚

大喪泣廡樂器

泣臨也。廡與也。臨，笙師、搏師之屬，興樂器也。興，謂作之也。○廡，許金反。興，許應反。後皆放此。搏，音博。

及葬藏樂器亦如之。

周禮卷二十二

周禮卷二十三

漢大司農北海鄭玄註

明後學東吳金蟠訂

宗伯禮官之職

樂師掌國學之政以教國子小舞

謂以年幼少時教之舞內則曰十
三舞勺成童舞象二十舞大夏十

凡舞有帔舞有羽舞有皇舞有旄舞有干舞有人舞

故書皇作璽鄭司農云帔舞者全羽羽舞者折羽
皇舞者以羽冒覆頭上衣飾翡翠之羽旄舞者折羽

牛之尾干舞者兵舞人舞者手舞社稷以帔宗廟
以羽四方以皇辟廡以旄兵事以干星辰以人舞

璽讀爲皇書亦或爲皇玄謂帔折五采繒今靈星
舞子持之是也皇雜五采羽如鳳皇色持以舞人

舞無所執以手袖為威儀四方以羽宗廟以人山
川以干旱暵以皇○帳音拂聖音皇鼈劉音來沈

呼音狸嘆
旦反

教樂儀行以肆夏趨以采薺車亦如之環拜以鍾鼓

為節

教樂儀教王以樂出入於大寢朝廷之儀故書趨
作跋鄭司農云踰當為趨書亦或為趨肆夏采薺
皆樂名或曰皆逸詩謂入君時行步以肆夏為節趨
疾於步則以采薺為節若今時行禮於太學罷節出
以鼓陔為節環謂旋也拜宜拜也玄謂行之者謂於
大寢之中趨謂於朝廷爾雅曰拜堂上玄謂之行者門外
謂之趨然則王出既服至堂而肆夏作出路門而
采薺作其反入至應門路門亦如之此謂步迎賓
客王如有車出之專登車於大寢西階之前反降
於阼階之前尚書傳曰天子將出撞黃鐘之前鐘右
是五鐘皆應入則撞蕤反薺徐私鐘反朝直遙反跋倉注

反陔改才反
撞直江反

凡射。王以騶虞爲節。諸侯以狸首爲節。大夫以采蘋爲節。士以采蘩爲節。

騶虞采蘋采蘩皆樂章名在國風召南惟狸首在樂記射儀曰騶虞者樂官備也狸首者樂會時也采蘋者樂循濼也采蘩者樂不失職也。是故天子以備官爲節。諸侯以時會爲節。卿大夫以循濼爲節。士以不失職爲節。鄭司農說以大射禮曰樂正命大師曰。奏經首。間若一大師不與許諾。樂正反位。奏經首以射。經首曾孫。○蘋音頻蘩音煩。

凡樂。掌其序事。治其樂政。

序事次序
用樂之事

凡國之小事。用樂者。令奏鍾鼓。

小事。小祭。祀之事。

凡樂成則告備。

成謂所奏一竟。書曰：籥韶九成。燕禮曰：大師告于樂正曰：正歌備。

詔來警臯舞。

鄭司農云：警當爲鼓。臯當爲告。呼擊鼓者。又告當舞者。持鼓與舞俱來也。鼓字或作警。詔來警或曰：來勅也。勅爾警。率爾衆工。奏爾悲誦。肅肅雍雍。毋怠毋凶。玄謂詔來警。詔視瞭扶警者來入也。臯之。言號告國子當舞者。舞。○毋音無。舞。

詔及徹。帥學士而歌徹。

學士。國子也。鄭司農云：謂將徹之時。自有樂。故帥學士而歌徹。玄謂徹者。歌雍雍在周頌。臣工之什。

令相。

令視瞭扶工。鄭司農云：告當相警。師者言當罷也。警，師盲者，皆有相道之者，故師冕見及階，曰階也。

及席曰席也。皆坐曰某在斯，某在斯。曰相師之道與。○令相息亮反，見賢遍反。

饗食諸侯，序其樂事，令奏鍾鼓，令相如祭之儀。燕射，帥射夫以弓矢舞。

射夫，衆耦也。故書燕爲舞，帥爲率。射夫爲射矢。鄭司農云：舞當爲燕，率當爲帥。射矢，書亦或爲射夫。

樂出入，令奏鍾鼓。

樂出入，謂笙歌舞者及其器。

凡軍大獻，教愷歌，遂倡之。

故書倡爲昌。鄭司農云：樂師主倡也。昌當爲倡。書亦或爲倡。

凡喪，陳樂器，則帥樂官。

周

禮 卷二十三

宗伯禮官之職

三 中華書局聚

往帥樂官
陳之

及序哭亦如之。

哭此樂器
亦帥之

凡樂官掌其政令聽其治訟。

大胥掌學士之版以待致諸子。

鄭司農云學士謂鄉大夫諸子學舞者版籍也今時鄉戶籍世謂之戶版大胥主此籍以待當召聚

學舞者鄉大夫之諸子則按此籍以召之漢大樂律曰卑者之于不得舞宗廟之酌除吏二千石到

已六百年石及關內侯到五大夫子先取適子高七尺

為舞入與古用鄉大夫子同
義○酌直救反適丁歷反

春入學舍采合舞。

春始以學士入學宮而學之合舞等其進退使應節奏鄭司農云舍采謂舞者皆持芬香之采或曰古者士見於君以雉爲摯見於師以菜爲摯菜直謂蔬食菜羹之菜或曰學者皆人君卿大夫之子衣服采飾舍采者減損解釋盛服以下其師也月令仲春之月上丁命樂正習舞釋采仲丁又命樂正入學習樂玄謂舍即釋也采讀爲菜始入學必釋菜禮先師也菜蘋蘩之屬○舍音釋下戶嫁反

秋頒學合聲

春使之學秋頒其才藝所爲合聲亦等其曲折使應節奏○折之設反

以六樂之會正舞位

大同六樂之節奏正其位使相應也言爲大合樂習之○爲于僞反

以序出入舞者

以長幼次之使出入不紕錯○紕匹毗反

比樂官。

比猶校也。杜子春云。錄具樂官。○虤也。鄭大夫讀比爲虤。虤具也。

展樂器。

展謂陳數之。

凡祭祀之用樂者以鼓徵學士。

擊鼓以召之。文王世子曰。大昕鼓徵。所以警衆。○昕音欣。

序宮中之事。

○小胥掌學士之徵令而比之。釁其不敬者。

比猶校也。不敬謂慢期不時至也。釁巨膠反。也。詩云。兕觥其釁。○釁古橫反。釁巨膠反。

巡舞列而撻其怠慢者。

搏猶拊也。拊以荆。拊。○拊。勑乙反。

正樂縣之位。王宮縣。諸侯軒縣。卿大夫判縣。士特縣。辨其聲。

樂縣謂鍾磬之屬。縣於筍。虞者鄭司農云。宮縣四面。縣。軒縣。去其一面。判縣。又去其一面。特縣。又去其三面。其形四面象宮室。四面有牆。故謂之宮縣。軒縣。三面。其形曲。故春秋傳曰。請曲縣。繫纓以朝。諸侯之禮也。故曰。惟器與名。不可以假人。玄謂軒縣於南面。辟王也。判縣。左右之不合。又空北面。特縣。縣於東方。或云。階間而已。○虞音巨。去起呂反。朝直遙反。辟音避。

凡縣鍾磬半爲堵。全爲肆。

一鐘磬者。編縣之二。八十六枚。而在一虞謂之堵。鍾一堵。磬一堵。謂之肆。半之者。謂諸侯之。卿大夫士也。諸侯之。卿大夫。半天子之。卿大夫。西縣。鍾。東縣。磬。士亦半天子之。士懸磬而已。鄭司農云。以春秋

傳曰歌
鍾二肆

大師掌六律六同以合陰陽之聲。陽聲黃鍾大簇姑
洗蕤賓夷則無射。陰聲大呂應鍾南呂函鍾小呂夾
鍾皆文之以五聲。宮商角徵羽皆播之以八音。金石
土革絲木匏竹。

以合陰陽之聲者聲之陰陽各有合黃鍾于十二
也。十一月建焉而辰在星紀大呂丑之氣也。十二

月建焉而辰在亥枵大簇寅之氣也。正月建焉而
辰在娵訾應鍾亥之氣也。十月建焉而辰在析木

姑洗辰之氣也。三月建焉而辰在壽星蕤賓午之
氣也。八月建焉而辰在梁南呂酉之

建焉而辰在鶉首林鍾未之氣也。六月建焉而辰
在鶉尾夷則申之氣也。七月建焉而辰在鶉尾中

呂巳之氣也。四月建焉而辰在實沈無射戌之氣
也。九月建焉而辰在大火夾鍾卯之氣也。二月建

焉而辰在降婁辰與建交錯留處如表裏然其下
合也其相生則以陰陽大體爲之黃鍾初九也下

生林鍾之初六林鍾又上生大簇洗之九二大簇洗
下生南呂之六二南呂又上生姑洗之九三姑洗又

又下生應鍾之六三應鍾又上生蕤賓之九四蕤
賓又下生大呂之六四大呂又下生夷則之九五

夷則又上生夾鍾之六五夾鍾又下生無射之上
九無射又上生中呂之六上六同位者象夫妻異位

者象子母所謂律取妻而呂生子也黃鍾長九寸
其實一筭下生者三分去一上生者三分益一五

之下六上乃大簇長八寸夾鍾長七寸二百四十三分八
寸

十七分六寸之萬九千六百八十八寸九分之二千一
中呂長六寸之萬九千六百八十八寸九分之二千一

九百七十四蕤賓長六寸七分八十分九分之二十六
林鍾長六寸四分夷則長五寸七分八十分九分之二十六

六百五十一南呂長五寸三分六分之二百二十四應鍾
六千五百六十一姑洗長五寸六分之二百二十四應鍾

長四寸二十七分之二寸之二寸之者以調五聲使
之相次如錦繡之有文章播猶揚也揚之以八音

乃可得而觀之矣。金鍾也。石磬也。土埙也。革鼓
鼗也。絲琴瑟也。木祝敔也。莞笙也。竹管簫也。○枹

虛驕反。翬音茂。取七喻反。塤反。塤虛袁反。戶

教六詩曰風曰賦曰比曰興曰雅曰頌。

直鋪陳今之政教善惡比見今之遺化不賦之言取

勸之雅以言之興見今之正者以爲後世鑒頌之言誦

也。容也。誦今之德廣以美之。鄭司農云古而自有

未定詩書而因爲之歌。抑廡衛曰是其衛風乎。又

有謬亂不正。孔子正之曰比。曰興。比者比諸侯於物

也。興者託事於物。○與虛應

以六德爲之本。

所教後詩必有知仁聖義知忠和之道

以六律爲之音

以律視其人爲之音知其宜何歌于貢見師乙而問曰賜也聞樂歌各有宜若賜者宜何歌此問人

性也本人之性莫善於律

大祭祀帥瞽登歌令奏擊拊

擊拊瞽乃歌也故書拊爲付鄭司農云登歌歌者在堂也付字當爲拊書亦或爲拊樂或當擊或當拊登歌下管費入聲也玄謂拊形如鼓以章爲之著之以稷○拊音撫

下管播樂器令奏鼓鞀

鼓鞀管乃作也特言管者貴人氣也鄭司農云下管吹管者在堂下鞀小鼓也先擊小鼓乃擊大鼓小鼓爲大鼓先引故曰鞀鞀讀爲道引之引玄謂鼓鞀猶言擊鞀詩云應鞀縣鼓○鞀音圃道音導

引並
音圖

大饗亦如之。大射帥誓而歌射節。

射節主
歌勳虞

大師執同律以聽軍聲而詔吉凶。

大師大起軍師兵書曰王者行師出軍之日授將
弓矢士卒振旅將張弓大呼大師吹律合音商則

戰勝軍士強角則軍擾多變失士心宮則軍和士
卒同心徵則將急數怒軍士勞羽則兵弱少威明

鄭司農云以師曠曰吾驟歌北風又歌南風南風
不競多死聲楚必無功○將子匠反呼火故反數

所角

大喪帥誓而歆作匱諡。

厥與也興言王之行謂諷誦其治功之詩故書厥
爲淫鄭司農云淫陳也陳其生時行迹爲作諡○

孟行下

凡國之瞽矇正焉。與其味。

從大師之政教

小師掌教鼓。鼗。祝。敔。壎。簫。管。絃。歌。

教教瞽矇也。出音曰鼓。鼗如鼓而小。持其柄搖之。旁耳還自擊。壎燒土爲之。大如鴈卵。簫編小竹管。

六如今賣鉛錫所吹者。絃謂琴瑟也。歌依詠詩也。鄭司農云。祝如漆。管中有椎。敔木虎也。壎六孔。管如

簫六孔。玄謂管如篪而小。併兩而吹之。今大予樂官有焉。○鉛以之反。錫辭盈反。李音唐。簫音動。椎

直追反。空音孔。篪音馳。篪音狄。

大祭祀登歌擊拊。

亦自有拊擊之。佐太師令奏。鄭司農云。拊者擊石。○令力呈反。

下管擊應鼓。

大應，鞀也。應與棟及朔皆小鼓也。其所用別未聞。○鞀薄西反。

徹歌。

於有司徹而歌。雍。

大饗亦如之。大喪與歆。

從大師與音預。○

凡小祭祀小樂事鼓棟。

如大師鄭司農云棟小鼓名。

掌六樂聲音之節與其和。

和，籥于。○和，戶臥反。籥，音淳。

瞽矇掌播鼗祝敵壝簫管絃歌

播謂發揚其音

諷誦詩世奠繫鼓琴瑟

諷誦詩謂聞讀之。不依詠也。故書奠或爲帝。鄭司農云。諷誦詩主誦詩以刺君過。故國語曰。瞽賦矇爲奠。世奠繫。謂帝繫諸侯卿大夫。世本之屬是也。

小史主次序。先王之世。昭穆之繫。述其德行。瞽矇主誦詩。并誦世繫。以戒勸人君也。故國語曰。教之

世爲之。昭明德而廢幽昏焉。以怵懼其動。玄謂諷誦詩。主謂厥作。極謚時也。諷誦王治功之詩。以爲

諷世之而定其繫。謂書於世本也。雖不歌。猶鼓琴

休

掌九德六詩之歌。以役大師。

之役爲使

眡瞭掌凡樂事播鼗擊頌磬笙磬

眡瞭播鼗又擊磬磬在東方曰笙笙生也。在西方曰頌頌或作庸庸功也。大射禮曰笙笙人宿縣于階之西。頌磬西面其南笙鍾其南鍾皆南陳。又曰西容。

掌大師之縣

大師當縣則爲之

凡樂事相瞽

相謂扶工。相息亮反。

大喪廡樂器大旅亦如之

旅非常祭於時
乃興造其樂器

賓射皆奏其鍾鼓

擊棟以奏之其登
歌大師自奏之

鑿愷獻亦如之

愷獻獻功愷樂也杜子春云讀鑿為憂戚
之戚謂戒守鼓也擊鼓聲疾數故曰戚

典同掌六律六同之和以辨天地四方陰陽之聲以

為樂器

陽聲屬天陰聲屬地天地之聲布於四方為作也
故書同作銅鄭司農云陽律以竹為管陰律以銅

為管竹同陽也銅陰也各順其性凡十二律故太師
職曰執同律以聽軍聲玄謂律述氣者也同助陽

宣氣與之同
皆以銅為之

凡聲高聲。砗。正聲。緩。下聲。肆。陂聲。散。險聲。斂。達聲。羸。微聲。錯。回聲。衍。侈聲。笳。弁聲。鬱。薄聲。甄。厚聲。石。

故書砗。或作砗。砗。杜子春讀。砗。爲鏗。鎗。之鏗。高。謂。鍾。形。容。高。也。錯。讀。爲。閭。不。明。之。閭。笳。讀。爲。行。扈。借。借。

之。借。石。如。磬。石。之。罷。錯。讀。爲。大。夫。讀。砗。爲。衮。冕。之。衮。陂。讀。爲。人。短。罷。之。罷。錯。讀。爲。鶉。錯。之。錯。鄭。司。農。云。鍾。

形。下。當。上。正。大。也。不。高。則。不。下。鍾。形。上。下。正。備。玄。謂。高。形。大。上。上。大。也。不。高。則。不。下。上。鍾。形。上。下。正。備。玄。謂。高。

下。下。直。正。去。放。肆。陂。無。所。動。下。謂。鍾。形。大。下。下。大。也。下。則。聲。出。去。放。肆。陂。讀。爲。險。陂。之。陂。陂。謂。偏。侈。陂。

則。聲。離。散。也。險。謂。偏。弁。也。險。則。聲。斂。不。越。也。遠。謂。其。形。微。大。也。達。則。聲。有。餘。若。大。放。也。微。謂。其。形。微。

小。也。錯。讀。爲。飛。鉗。淫。衍。無。鳩。殺。也。侈。謂。中。央。謂。其。形。微。圓。也。回。則。其。聲。淫。衍。無。鳩。殺。也。侈。謂。中。央。

約。也。侈。則。聲。迫。筵。出。去。疾。也。弁。謂。中。央。寬。也。弁。則。聲。鬱。勃。不。出。也。甄。讀。爲。甄。耀。之。甄。甄。猶。棹。也。鍾。微。

薄。則。聲。棹。鍾。大。厚。則。如。石。叩。之。無。聲。又。苦。耕。反。借。陂。彼。義。反。錯。音。閭。笳。側。百。反。砗。音。艱。又。苦。耕。反。借。

側百反罷皮買反儲烏南反躡音婢傭勅龍反形
大上大音泰下形大下大厚同鈗其廉反殺色界
反

凡爲樂器以十有二律爲之數度以十有二聲爲之
齊量。

數度廣長也齊量後弁
之所容○齊才計反

凡和樂亦如之。

和謂調其
故器也

周禮卷二十三

周

禮

卷二十三

宗伯禮官之職

十一

中華書局聚